

La doturia Grete Mahlknecht é demez l'atr'edema le lönesc y le dedolönesc, ai 15 y 16 de forá, y vëgn sostituida dal dotur Eduard Agreiter 0474 523 315 / 333 13 80 852.

PLOANIES SAN MARTIN Y LUNGIARÜ

CARITAS: Poscibilitè da se prenoté por la Colonia 12 Stelle Cesenatico: por chisc turni: 1° 21.6-5.7; 2° 6.7-20.7; 3° 21.7-4.8; 4° 5.8-19.8. Pici: nasciüs dal 01.01.03 cina al 31.12.10; Gragn: nasciüs dal 01.01.2001 cina ai 31.12.2002. Contribut a pëis dla familia 295 euro. Info www/12stellecesenatico.it. - Tel. 0471 067 412

Por i iadi da d'aisciöda a Medjugorje ciarede tl'ultima plata.

SAN MARTIN

Por le peregrinaje a Porsenü ai 23 d'auri präibel prenotesse pro un/öna di mëmbri dl consëi de cöra paian 25 euro por iade y marëna cina al 01 de merz.

Tl'ultima sentada dl consëi de cöra é gnü sotlinié l'importanza ch'al s'abines te vigni ploania n grup de porsones tl tēmp de Carsëma che se dais jö cun süa vita tla löm dla Parora de Dî ch'i ciafun tla Sacra Scritöra.

Porchël vëgnel chiló San Martin tignü vigni lönesc da sëra dales 19.30 na incuntada te calonia sura n tema fora dla Sacra Scritöra che dess nes daidè da jí arjigná adincuntra ala festa de Pasca: Les incuntades ai 15 y ai 29 de forá cun siur Sepl Granruaz y ai 22 de forá cun pater Jan Matik da Oies. Por les atres incuntades gnarál ciamó lascé alsavëi plü avisa.

LUNGIARÜ

Por le peregrinaje a Porsenü ai 23 d'auri präibel prenotesse pro Emma Clara te calonia do mëssa o pro i atri mëmbri dl consëi de cöra, paian 25 euro por iade y marëna cina al 01 de merz.

Çi é pa eserzizi por la vita da vigni dé (**Exerziten im Alltag**)?

Cun l'aiüt de n/a condejadü/ëssa se dän jö cun la fede personala, cun Chël Bel Dî y la Sacra Scritöra te n cërtil de porsones che s'incunta n iade al'edema por n'ora o döes sëgn de Carsëma por s'arjigné ca a Pasca. Chisc eserzizi dess dantadöt renforzé nosta spiritualité, jon ite te nosc daíte olache Chël Bel Dî à sentè ite süa somënza y olach'i podun l'aldí, l'ascuté y se daurí a d'ël. La spiritualité nes dëida insciö da ciafé le dër raport cun les porsones y cun les cosses dla vita da vigni de incër nos ia.

Tles incuntades n iade al'edema cun siur ploan vëgnel ciarè indô coch'ara ti é jüda ai partezipanè l'edema passada y dé impulsè por l'edema che vëgn. I partezipanè é invia da ti dediché vigni de, almanco n cherdora ala oraziun y ala contemplaziun dla Sacra Scritöra y, ala fin de vigni dé, da fá na reflësciun söl de passè.

Le Sorvisc ai Jogn chir jogn y jones che á arjunt la majera eté y che á ligrëza da lauré cun mituns y mitans sciöche **animadus/ësses pro l'ISTÉ DEBORIADA 2016**. Por informaziuns präibel cherdede sö 0474 523 070 (lönesc - jöbia: 8.00-12.00 y 13.00-17.00) o info@jogn.org. Termo por dé jö les domandes é le 29 de forá.

L'Assoziaziun Turistica organisëia a Lungiarü na festa da Carnescé cun lotaria en mertesc, ai 09 de forá. I piun ia düc adöm dales 21.00 da Frëina demez cun i chentli jö cuntra paisc. Dailó sarál tla pizzeria Fornata na festa da Carnescé por jogn y vedli. Gnide en mascora!



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

07.02. - 14.02.16 nr. 11

termo da publiché: jöbia 20.00
radio: 90,40 / 93,70



5^a DOMÈNIA IA POR L'ANN - C

Vangele (Lüca 5,1-11)

Canche Gejú â rovè süa pordica, ti àl dit a Scimun: Va fora alaleria!

Dailò sciurede ostes rëis por la pëscia! Scimun ti à respognü:

Maester, i ün laurè dōta la nōt y i n'ün pié nia.

Mo sōn tūa parora sciurarài fora les rëis.

Chësc ài fat, y ai à pié n te' gröm de pësc,

che sües rëis manacià da se scarzè.

⁸ Canche Scimun Pire à odü chësc,

s'âl petè jö dan i pîsc de Gejú

y à dit: Signur, va demez da mè;

i sun n piéiadü.

Mo Gejú ti á dit: No te temëi!

Da sëgn inant piaraste jënt.

¹¹ Y ai à trat les barches sōn spona,

à lascè indô dōt cant y ti é jüs do.



Les manires da pié jënt, da la entusiasmé por la fede s'á dër mudé da laota incá. La rëi é diventada tan leria co le monn. Poscibilités de comunicaziun é de vigni sort, a bocia, por telefon, por stampa, por internet.

Sciöche laota pro i discepui, é ince incö pro nos le prigo da s'la odëi y la dé sö.

Mo sciöche ai discepui laota, nes dij Gejú ince a nos incö süa parora.

Respognun pö sciöche Pire!:

„Sce tö le dijes, Signur“; spo á ince chësta tūa Dlijia na poscibilité.

Spo porvunse ciamó n iade da se dé da fá por les zelebrazziuns de dlijia, da ti jí pomez ala jënt ch'i aratun che n'ais degun interes.

Gejú ne dij nia: Al sará saurí. Gejú dij madër: „Fajede chësc!“

Al nes inviéia da ne la dé nia sö. Mo dantadöt ti dijel süa parora nia ma a Pire, mo ince a nos: „No te temëi.“

- Gejú á metü jogn cun düc sü defec a pié jënt.

Porchël präia chi, che se prô, de gní compatis y che por süa gauja ne vëgnes l'invit de Gejú nia suraldí.

	SAN MARTIN		LUNGIARÜ
07.01.16 5^a DOMËNIA IA POR L'ANN C <i>De dla Vîta</i>	9.00 Corona 9.30 Gran Mëssa por la comunité dl ann + siur Angel Morlang	07.02.16 Domënia	7.55 Corona 8.15 Gran Mëssa por la comunité do l'intenziun dla Uniun dles Ères
08.02.16 Lönesc <i>Iarone Äm., Iosefina Bakhita</i>		08.02.16 Lönesc	19.30 Exerzitien im Alltag / Introduziun cun siur ploan
09.02.16 Dedolönesc <i>Apolonia, Alexia</i>	<i>degöna mëssa</i>	09.02.16 Mertesc	
10.02.16 Dedemesaledema CAPIUN <i>Scolastica, Silvan</i> <i>al mët man la Carsëma</i>	18.30 Imposiziun dl cënder Mëssa + Egon Valentin (dl ann) + + Emma y Serafin Frnner, Lovara + Giovanni Ferdigg, Jocer	13.02.16 Sabeda	20.00 Imposiziun dl cënder Mëssa + Daniele Pezzei, Ghestan + Vito Clara por les Animes
11.02.16 Jöbia <i>Santa Maria da Lourdes</i> <i>De Mondial di Amará</i>	15.00 Mëssa a Bioch en onú de Santa Maria da Lourdes por i amará + + benefaturs dla capela familia Otto Erlacher y + Pire Finazer Vijita ales families Bioch y Ties	11.02.16 Jöbia	15.00 Mëssa a Bioch en onú de Santa Maria da Lourdes por i amará + + benefaturs dla capela familia Otto Erlacher y + Pire Finazer Vijita ales families Bioch y Ties
12.02.16 Vëndres <i>Gregor II, Benedët</i>	18.30 Adoraziun chîta 19.00 Zelebrazion dla Parora de Dî	12.02.16 Vëndres	7.30 Mëssa dl ann + Costantino Mischi + + de Monica Costa
13.02.16 Sabeda <i>Adolf, Gisela</i>	15.30 Mëssa tla Ciasa de Palsa 18.30 Mëssa prefestia + + Corrado y Erich Castlunger + Giovanni Vanzi + + Hannele y Nando Flöss	13.02.16 Sabeda	20.00 Mëssa prefestia + + Iarone y Loise Freinademetz dl ann + Albino Daporta + + de Ghestan + Monica Moling
14.02.16 1^a DOMËNIA DE CARSËMA C <i>Domënia dla Dlijia te ciasa</i>	9.00 Staziuns 9.30 Gran Mëssa por la comunité	14.02.16 Domënia	7.55 Staziuns cun le Cor de dljia 8.15 Gran Mëssa por la comunité

Por les Staziuns adoron trëi sorvidus - Präibel! (*siur ploan*)